

Bärgblueme

1. Schön isch doch uf euse Berge, s'hygah hed no niemer g'reut.
S'isch als hät grad da der Herrgott Bluemewunder ane g'streut.
Alpeglöggli, Alperose, händ im Falter d'Tür uf g'macht.
Änzian und Schlüsselblüemli sonnid ihri Farbepracht.
Änzian und Schlüsselblüemli Sonnid ihri Farbepracht.
2. A de Hänge findt mer Trolle. Animone gälb und wyss.
Näbe Dischtle büeht de Germer, Arnika und Ehreprys.
Und so treu wie Bärglerauge, wätterhert wie Bärglerpflicht.
Guggid usem Mattegrüne Steibräch und Vergissmeinnicht.
Guggid usem Alpegrüne, Steibräch und Vergissmeinnicht.
3. Höch i Flüeh und Bänd're trotzid, Edelrute, Edelwyss.
Männertreu und Alpeaschtre strytid um de erschti Prys.
Ja dur Alpeblueme z'wandre, serig Freude sind ned z'näh.
Triffts es öppe no z'sälb ander chas bigoscht nüd schöners gäh.
Triffts es öppe no z'sälb ander chas bigoscht nüd schöners gäh.